




Plata dla Ploania Antermëia Sant'Antone Abat

Ploan: **siur Paul Campe**
E-mail: **campei.paul@rolmail.net**

Calonia: **0474/520012**
Siur Paul: **380 7345533**

UNITÉ PASTORALA



VAL BADIA
www.unitepastorala.org

Ann A

**12.03.2017 - Secunda domënia de
Carsëma**

n. 16

Les strades dla salvëza

 **Gen 12, 1–4a | 2 Tim 1, 8b–10 | Mt 17, 1–9**

Dal Vangele do San Mateo:

Te chël tëmp à Gejù tut Pire, Iaco y so frè Jan da na pert y i à condüt sön na munt alta. Y al é gnü trasfiguré dan sü edli; so müs lominâ sciöche sorëdl y sü guané é gnüs blané adorbënc sciöche la nëi. Te n iade é aparì Mosè y Elia dan da d'ëi y ai baiâ cun Gejù. Dailò ti à Pire dit: Al é bun ch'i sun chilò. Sce t'ôs, fajarai sö chilò trëi üties, öna por tè, öna por Mosè y öna por Elia. Ciamò tratan ch'al baiâ, él stè n nio lominus che i à curì cun süa ambria. Y fora dl nio à scraié na usc: Chësc é mi Fi bunorü, te chël ch'i à ciafè plajëi; ascutédele! Canche i discepui â aldì chësc, ài ciafè na gran tëma y s'à petè col müs ia por tera. Dailò ti é Gejù jü pormez, i à pié ite y ti à dit: Lovede sö y ne ede nia tëma! Canch'ai â ciarè sö, n'odöi plü degügn, ater co Gejù. Tratan ch'ai jô jö dla munt, i à Gejù comanè: Ne stede a ti cuntè a degügn éi ch'i ëis odü éina che le Fi dl Om ne n'é ressorì dai moré.




Zuspruch

AM SONNTAG

Zweiter Fastensonntag A

Alles, was jetzt noch dunkel und unverständlich ist, wird eines Tages ganz klar sein, herrlich und strahlend.

Oswald Chambers

 **Letöres dla Terza domënia de Carsëma:
Es 17, 3–7 | Rom 5, 1–2.5–8 | Jan 4, 5–42**

Edema liturgica dai 12.03. ai 19.03.2017

2016	Ora	Mëssa
2^a DOMENIA 12.03 DE CARSEMA <i>oferta por la dlijia</i>	9.30 10.00	<i>Staziuns (fomenes)</i> Gran Mëssa por la comunité families Prousch, H. Pütia + Sepl Campeï ++ Pire y Angel Castlunger
LÖNESC 13.03	7.25	s. Mëssa + Tio Clara
MERTESC 14.03 s. Matilda	17.00	<i>Staziuns</i>
MERCUI 15.03 s. Klem. Maria Hofbauer	7.25	s. Mëssa di scolari + siur Heinrich Videsott
JÖBIA 16.03	17.00	<i>Staziuns</i>
VENDRES 17.03 s. Gertrud; s. Patrick	7.25	s. Mëssa ++ de Rosa Winkler, Tru
SABEDA 18.03 <i>Festa dla beatificaziun</i> <i>de Josef Mayr-Nusser</i> <i>tl dom da Balsan</i>	18.00	Festa de s. Ujöp, patronn di ëi s. Mëssa prefestia a onur de s. Ujöp + don Giuseppe Pezzei + Carlo Rubatscher + Amalia Erlacher + Sepl Dejaco 2. de sopoltöra + Franz Irsara
3^a DOMENIA 19.03 DE CARSEMA <i>oferta por la dlijia</i>	9.30 10.00	<i>Staziuns (jogn)</i> Gran Mëssa por la comunité families Prousch, H. Pütia ++ Pire y Angel Castlunger



Informaziuns y terminns

Deache **la festa de s. Ujöp** tomass ite de domenia – y na domenia de Carsema ne po nia gni sostituida da atri santusc – la tignunse la vëia, ai 18. de merz. I omi y ëi é dër bel invià a to pert ala Mëssa de so patronn s. Ujöp.

Invit al **cianté de Carsëma** y de lalt a S.Ujöp y a Beat J.M.Nusser, en domënia, ai 19.03.2017 dales 16.00 tla dlijia da Lungiarü. Al cianta le cor de dlijia La Val, cor de dlijia S.Martin, cor de dlijia Lungiarü y cor dles ëres Al Plan. Organisaziun: E.p.L. – seziun cors de dlijia.

AZIUN DLES PRIMULES ai 19/03/17. Do messa, ti paisc de S. Martin, Lungiarü y Antermeia, gnarale venü ciüf pur la aziun "Südtiroler Krebshilfe".

Staziuns Schira Jonila y ministranc: En sabeda, ai 25 de merz saral les Staziuns dla Schira Jonila y di ministranc. I s'encuntun dales 14:45 a Badia (dan calonia) por rovè a Oies ala Santa Mëssa dales 16:00, co gnará abelida dal côr dai ministranc da Lungiarü. Dedô jö bas ite pó duc sté n pü' adöm pro n pic' renfrësch. Düc é dër bel invià a to pert.

Le Cunsëi Decanal dla Uniun dles Ères, Val Badia, lascia al savëi che sö OIES él jü ite tl'**offerta le dé de oraziun dles ëres**, la bela somma de 1.436,70 Euro, che vá a bëgn dles ëres filipines, por 3 proiec che é gnüs chiris fora. Ciamó en gran dilan a dotes por la partecipaziun ala liturgia y por la solidarieté pur nostes sorus dles Filipines!

En jöbia ai 16 de merz 2017 se incunta indô le **grup de tëmp lëde Atmosfera** por ëres y ëi atocá da problems psichics. Le tema sará "Les staziuns" cun na meditaziun. La mostra "Les Staziuns" fata dales partezipantes dl grup Atmosfera, dai assistís de La Spona, dal Grup terapia dl'ert adöm a Irina Tavelle é da odëi cina en Vëndres Sanc tl'entrada dl Raiun Sozial a Picolin. I se incuntun dales 15.30 cun Irina Tavella y Barbara Rungger tla sënta dl Raiun Sozial Val Badia a Picolin. Informaziuns plü monüdes pro Sabine Rainer tel. 0474/524519. Vignun/üna é bëgn gnüs y é dër bel invià/des.

La Uniun di Pauris tëgn le "**Traktorauffrischkurs**" en dedolönesc, ai 21 de merz, dales 8.00 – 12.00 y dales 13.00 – 17.00 tl local di Stödafüch a S. Martin. Prenotesse por telefon 0471 999 455 o sot ala misciun weiterbildung@sbb.it y dede dant l'inom, la data y le post de nasciüda, la misciun, le codesc fiscal y le numer de telefon.



“Fá para! A ci podessi pa renunzié?”

L'Unité Pastorala Val Badia inviëia vignun y vignöna a fá deplü fora dla Carsëma. Jon fora da na Parora dl vangeli dla domënia metunse dant edema por edema na proposta concreta por valorisé danö la ligrëza y la speranza liada ala Bona Noela.

Les esperiënzes pó gní partides con i atri les publican sön la plata facebook (Gruppe: Aktion Verzicht) o internet (www.aktion-verzicht.net)



„Ne stede a ti cunté a degügn ci ch'i äis odü cina che ...” - Matî 17,9

Chëst'edema (y nia ma)
ti vai sot ales informaziuns
che i dá inant.

Cun mies paroress poi fá tröp de bun.



Mësses a Rina:	Dom 8.30 Dedol. 19.15 Jöb 7.25 Sab 19.15 Dom 8.30
Mësses a San Martin:	Dom 9.30 Jöb 7.30 Sab. 18.30 Dom 9.30

	13.03 - 18.03	Marc - Nicol
	14.03.2017	Stefan Nicol Lisa
	16.03.2017	Joel Kathrin Nadine
	19.03.2017	<u>Damian - Tom - Natalie - Maria</u>
	18.03.2017	Martina Rubatscher
	19.03.2017	Guido Rives
	Les mius aodanzes por le compliagn ti fajunse a Sottrovisch Maria (75) . Döt le bun.	

Impressum:
Comunicaziuns:
Download:

Ploania Antermëia - redaziun Carlo Piazza
cina la jöbia sëra a carlo.piazza@bb44.it | 0474 520044
www.unitepastorala.org | www.comun.sanmartindetor.bz.it